



Kada podučavamo dijete, bitno je da mu/joj se posvetimo maksimalno

U ovoj epizodi razgovaramo sa studentima pedagogije, Belmom Čuturom i Amarom Velagićem, o društvenom stavu prema nastavničkoj profesiji, motivaciji, očekivanjima i izazovima studiranja pedagogije. S4EP21



U prethodnoj epizodi govorili smo o **studiju pedagogije iz perspektive profesorica**, a u ovoj epizodi smo razgovarali o istoj temi sa **studentima i studenticama**.

- O tome- *Kakav je stav društva prema nastavničkoj profesiji, šta motiviše studente, kakva su očekivanja studenata i od studenata, te koje su prednosti i mane studiranja pedagogije razgovarali smo sa Belmom Čuturom i Amarom Velagićem.*

Činjenica je da je broj studenata **Nastavničkog fakulteta izuzetno mali**, te je na neki način utihnulo interesovanje za ovim pozivom.

Amar Velagić smatra da **motivacija** za bavljenjem ovom profesijom **dolazi od kuće**, te da se od malih nogu djeca uče **važnosti i plemenitosti nastavničke profesije** i kod kuće i u obrazovnim institucijama koje pohađaju. Još jedan od vrlo demotivirajućih faktora je feminizacija profesije, te se djeca od **ranog doba uče stereotipu** da se ovom profesijom bave samo žene.

Rijetko kad će odgajatelj ili učitelj biti prikazani u nekom od udžbenika.

Belma Čutura je govorila o **pogrešnim motivima mnogih studenata** koji se opredjeljuju za pedagogiju. Ogromne su razlike studenata koji upisuju pedagogije iz **istinske želje** i oni koji tokom cijelih studija samo **gledaju kako da izbjegnu obaveze**.

Problem nastaje tada kada ova druga skupina studenata uđe u učionicu i svojim nedovoljnim znanjem i razumijevanjem profesije narušavaju cjelokupnu sliku nastavnika/ca.

- Svoja iskustva kao predavači u učionici imaju i Amar i Belma. Amar je i prije i tokom studija imao priliku da bude u toj poziciji, te tvrdi da nastava ne košta novca, da je bitno samo da je nastavnik/ca kreativac/ka koji/a svojim znanjem ume da zainteresuje učenike za predmet predavanja.

Belmino iskustvo je također vrlo pozitivno i to iz razloga što je stekla saznanje o tome koliko su sadašnje generacije samosvesne.

Škola o kakvoj i Amar i Belma sanjaju je trenutno mnogo drugačija od one kakvu danas imamo u BiH i osim fizičke razlike oboje se slažu da je timska nastava i interdisciplinarni rad nešto što bi dovelo do mnogih promjena.

Gledajte i slušajte Besjede o obrazovanju svake srijede u 19h na [Facebook profilu Besjeda o obrazovanju](#), [Instagram](#) i [Facebook profilu COI Step By Step](#) i na našem [YouTube kanalu](#). Pozivamo vas da nam pišete prije, tokom i nakon emisije, kako bismo njegovali dijalog sa vama i crpeli inspiraciju iz vaših predloga, pohvala, kritika, sugestija i pitanja.

Collections

Besjede o obrazovanju